



**ՄԱՐԴՈՒ ԻՐԱՎՈՒՆՔՆԵՐԻ
ԵՎՐՈՊԱԿԱՆ ԴԱՏԱՐԱՆԻ
ՎԾԻՌՆԵՐԻ ԿԱՏԱՐՈՒՄ**

ԲԱՌԱՐԱՆ



ՑԱՆԿ

Ա	3
Բ	4
Գ	5
Դ	5
Ե	6
Զ	6
Է	7
Ը	8
Թ	9
Պ	10
Պ	10
Ղ	11
Ճ	12
Ղ	13



Ա

Անհատական միջոց

Վճռի կատարման շրջանակներում ձեռնարկվող միջոց/միջոցառում, որը կոչված է վերացնելու արձանագրված խախտման հնարավոր բացասական հետևանքները դիմամատույի համար (օրինակ՝ գործի դատական քննության վերաբացում, ծնողի և երեխայի միջև կապի վերականգնում, արդարացի փոխհատուցման վճարում և այլն)

Արդարացի փոխհատուցում

Վճռի կատարման անհատական միջոց, հատուցման ձև, որի ՄԻԵԴ-ի կողմից հատկացումը Կոնվենցիայով (և դրան կից Արձանագրությամբ) երաշխավորված որևէ իրավունքի խախտման արձանագրման ինքնատիկության հետևանքը չէ (ի դեպ, ՄԻԵԴ-ի կողմից հատկացումը պետք է լինի «արդարացի», այսինքն՝ հաշվի է առնվում յուրաքանչյուր գործի առանձնահատկությունները, հետևաբար՝ կարող է որոշվել, որ Կոնվենցիայի խախտման արձանագրումն ինքնին բավարար արդարացի փոխհատուցում է):



Բ

Բարձր պայմանավորվող կողմ

Եվրոպայի խորհրդի անդամ պետություն, որը վավերացրել է Մարդու իրավունքների եվրոպական կոնվենցիան:

Բարեկամական կարգավորում

Կոնվենցիայով Նախատեսված
հնարավորություն է, որի շրջանակում գործի քննության ընթացքում դիմումատուն և պատասխանող կառավարությունը լուծում են առկա վեճը: Այն կողմերի միջև պայմանավորվածություն է, որը շատ նման է ներպետական օրենսդրության մեջ առկա հաշտության համաձայնության
ինստիտուտին:

Բաշխված պատասխանատվություն

հայեցակարգ, որը միջազգային հարթությունում նպատակ ունի ապահովել Կոնվենցիոն համակարգում ազգային ու եվրոպական հարթությունների հավասարակշռությունը և երաշխավորված պաշտպանել ներպետական մակարդակում մարդու իրավունքներն ու հիմնարար ազատությունները, իսկ ներպետական համատեքստում ապահովում է պետության ստանձնած միջազգային պարտավորությունների կատարման, ներառյալ՝ ՄԻԵԴ վճիռների կատարման գործում պետության իրավասու մարմինների միջև պարտականությունների բաշխվածությունը:



Գ

Գործողությունների ծրագիր

Նախարարների կոմիտե պատասխանող պետության ներկայացրած փաստաթուղթ, որում մոտավոր ժամանակացույցի հետ միասին շարադրվում են այն քայլերի մանրակրկիտ թվարկումը, որոնք պետությունը ձեռնարկելու է ՄԻԵԴ վճիռը լիարժեք կատարելու համար:

Գործողությունների հաշվետվություն

Նախարարների կոմիտե պատասխանող պետության ներկայացրած փաստաթուղթ, որում շարադրվում են այն քայլերը, որոնք արդեն ձեռնարկվել են և հիմնավորվում է, որ դրանք անհրաժեշտ ու բավարար են ՄԻԵԴ վճիռը կատարված ճանաչելու համար:



Ե

Եվրոպայի խորհրդի խորհրդարանական վեհաժողով (ԵԽՆՎ)

Եվրոպայի խորհրդի (խորհրդակցական) մարմին, որը քննարկում է ԵԽ կանոնադրությամբ իր իրավասությանը վերապահված հարցերը և Նախարարների կոմիտեին իր եզրակացությունները ներկայացնում է հանձնարարական-առաջարկությունների ձևով:



Ը

Ընդհանուր միջոց

ՄԻԵԴ վճռով արձանագրված նմանատիպ խախտումները հետագայում կանխելու նպատակով ձեռնարկված միջոց/միջոցառում, որն անհատական բնույթի չէ (օրինակ՝ նոր օրենքի ընդունում, օրենսդրության կամ պրակտիկայի վերանայում և այլն):




Կ

Կանոն 9 Կոմունիկացիա

հատուկ դիրքորոշում կամ գրավոր տեղեկանք (կոմունիկացիա), որը որոշակի խումբ անձինք/տուժածներ, նրանց իրավախորհրդատուներ, մարդու իրավունքների պաշտպանությանը և խթանմանը զբաղվող հասարակական կազմակերպություններ, ինչպես նաև մարդու իրավունքների ազգային հաստատություններն ու միջազգային կազմակերպությունները (կամ դրանց մարմինները կամ գործակալությունները) ներկայացնում են Նախարարների կոմիտե՝ կոնկրետ վճռի կամ վճիռների խմբի կատարման շրջանակում:

Կանխարգելման ազգային մեխանիզմ

Խոշտանգումների դեմ ՄԱԿ-ի Կոնվենցիայի կամընտիր արձանագրության ներքո գործող հաստատությունը, որի նպատակն է Խոշտանգումների և այլ դաժան, անմարդկային կամ արժանապատվությունը նվաստացնող վերաբերմունքի կանխարգելումն ազատությունից զրկման վայրերում (Հայաստանում այդ դերը վերապահված է Մարդու իրավունքների պաշտպանին):



Համոզմունքներից ելնելով հրաժարվող

Քաղաքացի, ում կրոնական համոզմունքներին կամ դավանանքին հակասում է ընդհանրապես գինվորական ծառայություն անցնելը, և որից ելնելով նա հրաժարվում է պարտադիր ժամկետա-ին գինվորական ծառայությունից:

[Թույլատրելի] հայեցողության շրջանակ

Իրավական այս դրկտրինի ներքո են մարմինները, ներառյալ ՄԻԵԴ-ը, ճա-նաչում են անդամ պետության հայեցողության որոշակի սահմաններ, որի շրջանակում պետությունն ազատորեն կատարում է Կոնվենցիայով նախատեսված իր պարտավորությունները:



Մ

Մարդու իրավունքների ազգային հաստատություն

Պետական մարմին, որն անկախ է կառավարությունից, ունի լայն սահմանադրական կամ այլ իրավական մանդատ՝ պաշտպանելու և խթանելու մարդու իրավունքներն ազգային մակարդակում (Հայաստանում՝ Մարդու իրավունքների պաշտպանը)

Մարդու իրավունքներ, ժողովրդավարություն և իրավունքի գերակայություն

Եվրոպայի խորհրդի երեք հիմնարար արժեքներ, որոնք միաժամանակ այդ կազմակերպության գործունեության հիմնասյուներն են:

Միջանկյալ ռեզոլյուցիա


ՄԻԵԴ վճիռների կատարման նկատմամբ վերահսկողության շրջանակում Նախարարների կոմիտեի ընդունած փաստաթուղթ, որով արձանագրվում է կոնկրետ վճիռի կամ բարեկամական կարգավորման վերաբերյալ որոշման կատարման վիճակը և, ըստ անհրաժեշտության, ներկայացվում են մտահոգություններ կամ արվում են առաջարկներ՝ արդյունավետ կատարելու վճիռը/ որոշումը:

Մարդու իրավունքների նիստեր

(այլ կերպ՝ CM-DH հանդիպումներ) ՄԻԵԴ վճիռների կատարման նկատմամբ վերահսկողության շրջանակում Նախարարների կոմիտեին վերապահված գործիք, որը Նախարարների տեղակալների մասնակցությամբ նիստերի ձևաչափով անցկացվում է առնվազն տարին չորս անգամ և որտեղ քննարկվում են ԵԽ անդամ պետությունների կողմից վճիռների կատարմանն առնչվող հարցեր:

Միջազգային իրավական հարցերով ներկայացուցիչ

(մինչև 16.12.2021 թ. օրենսդրական փոփոխությունը՝ Մարդու իրավունքների եվրոպական դատարանում ՀՀ ներկայացուցիչ) վարչապետի աշխատակազմի կառուցվածքում ընդգրկված պետական վարչական պաշտոն զբաղեցնող անձ, որի գործունեությունն ընդգրկում է Մարդու իրավունքների եվրոպական դատարանը, Արդարադատության միջազգային դատարանը, միջազգային արբիտրաժը, հաշտարարությունը և օտարերկրյա դատարանները:



Նախարարների կոմիտե

Եվրոպայի խորհրդի՝ որոշում կայացնող կառավարական մարմին (որի շրջանակներում իրավահավասար հիմունքներով քննարկվում են եվրոպական հասարակության առջև ծառայած խնդիրների լուծման ազգային մոտեցումները) և կոլեկտիվ համահավաք (որտեղ ձևավորվում են վերոնշյալ խնդիրների համընդհանուր եվրոպական լուծումները), որը ԵԽ Խորհրդարանական վեհաժողովի հետ միասին պաշտպանում է ԵԽ - ի հիմնարար արժեքներն ու վերահսկում անդամ պետությունների ստանձնած պարտավորությունների կատարումը:

Նախարարների կոմիտեի կանոններ

Նախարարների կոմիտեի կողմից հաստատված կանոններ, որոնցով, ի թիվս այլ հարցերի, կարգավորվում են Նաև ՄԻԵԴ վճիռների և բարեկամական կարգավորմամբ ա-վարտված գործերով որոշումների կատարման գործընթացի վերահսկողության ընթացակարգն ու պայմանները:



Պիլոտային վճիռ

ՄԻԵԴ-ի կայացրած դատական ակտ, որը հստակեցնում է համակարգային խնդրի բնույթը, մատնանշում է պատասխանող պետության կողմից ապահովման ենթակա միջոցը և նպատակ ունի անդրադառնալ կրկնվող դեպքերին ու լուծել ներպետական օրենսդրությունից կամ պրակտիկայից բխող համակարգային պրոբլեմները:



Սուբսիդիարության սկզբունք

Կոնվենցիայի համակարգի հիմնական սկզբունքներից մեկը, որը ՄԻԵԴ-ի որոշակի համատեքստում նշանակում է, որ Կոնվենցիայով նախատեսված իրավունքների պաշտպանության և իրականացման պատասխանատվությունը, ինչպես նաև համապատասխան միջոցների ընտրությունն ավելի շատ ընկնում է Բարձր պայմանավորվող կողմի, քան ՄԻԵԴ-ի վրա:



Վերջնական վճիռ

Մարդու իրավունքների եվրոպական դատարանի կայացրած վճիռ, որը դարձել է վերջնական, այսինքն՝ մտել է ուժի մեջ:

Վերահսկողություն

Ընթացակարգ, որի ներքո Նախարարների կոմիտեն հատուկ այդ նպատակով որդեգրած մեթոդներով և սահմանված կանոն-ներով ու պրակտիկայով հետևում է ՄԻԵԴ վճիռների կատարման գործընթացին:

Վերահսկողական նոր մեթոդներ

Նախարարների կոմիտեի որդեգրած նոր ընթացակարգեր, որոնք 2011 թվականի հունվարից կիրառվում են ՄԻԵԴ վճիռների կատարումը վերահսկելիս:

Վերահսկողության երկուդի/երկընթաց մեխանիզմ

Համակարգ, ըստ որի՝ բոլոր գործերի վերահսկողությունը կատարվելու է ստանդարտ ընթացակարգի համաձայն, քանի դեռ, հաշվի առնելով գործի առանձնահատկությունը, որոշում չի կայացվում վերահսկողությունն իրականացնելու մեղացված ընթացակարգով:

Վճիռների/գործերի դասակարգում

Կարևոր միջոց, որը հստակեցնում է վճիռների կատարման վերահսկողական համակարգի գործունեությունը, իսկ պատասխանող պետությանն օգնում է գատել համակարգային խնդիրները ոչ համակարգայիններից, առանձնացնել ընդհանուր ու մասնավոր միջոցները, ճիշտ գնահատել սեփական ռեսուրսները և դրանք բաշխել ըստ առաջնահերթությունների:

Վերջնական ռեզյուլտցիա

ՄԻԵԴ վճիռների կատարման նկատմամբ վերահսկողության շրջանակում Նախարարների կոմիտեի ընդունած փաստաթուղթ, որով արձանագրվում է, որ վճռի կատարման համար անհրաժեշտ բոլոր միջոցներն ապահովված են, վճիռը կատարված է, և կատարման նկատմամբ վերահսկողությունը փակվում է:



Քաղաքական հռչակագրեր

Ինտերլակենի (2010 թ.), Իզմիրի (2011 թ.), Բրայթոնի (2012 թ.), Բրյուսելի (2015 թ.) և Կոպենհագենի (2018 թ.) բարձրաստիճան համաժողովներում ընդունված հռչակագրեր՝ միտված ՄԻԵԴ ապագա զարգացմանը և ՄԻԵԿ ինպլեմենտացիայի մարտահրավերների հաղթահարմանը:

Քաղաքացիական հասարակություն

պետական իշխանությունից անկախ քաղաքացիների ամբողջություն/համակարգ կամ անձանց միջև գոյություն ունեցող տնտեսական, մշակութային, իրավական և քաղաքական զարգացած փոխհարաբերություններով ժողովրդավարական հասարակություն, որը պետական իշխանության մարմինների ուղղակի միջամտությունից պաշտպանված է օրենքով:



R

Restitutio in integrum

Մինչև իրավունքի խախտումը եղած դրույթյան վերականգնում: